



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 36. Hujus expeditionis initia Cæsareis minus auspicata.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. de Christianissimo Rege suspicari aut
A. C. 1683. credere, piaculo mihi duco: Utut vero
 res se habuerit, id tamen omnino ex-
 ploratum habetur, non defuisse adula-
 tores impios, qui Regi persuadere mo-
 liti erant, perutile fore Christianis, si
 Gallorum potentia per Europam adeo
 invalesceret, ut reliquis Principatibus
 leges dare, hæreticos extirpare, Tur-
 casque opprimere posset.

§. XXXVI.

*Hujus expeditionis initia Cæsareis
 infausta.*

Calmet Hist. Eccl. de Lorr. l. 39. pag. 866. Valcher. Vienn. ob- ject. Recensebat Imperator tum nonnisi suo-
 rum triginta sex millia, & Hunga-
 rorum duntaxat tria millia sub signa
 venire, cum tamen Vezirius Cara Mu-
 stapha(*), quamprimum Byzantii ad Pa-
 latii fores feralis equi cauda erecta fue-
 rat, præter ducentas belli machinas
 trecenta armatorum millia recenseret,
 ac insuper Töckelius præter Tartaro-
 rum mille quatuordecim, Valachorum,
 Moldavorum, Transylvanorum & Hun-
 garorum potissimum Protestantium nu-
 merosa agmina adduceret. Nihilomi-
 nus Lotharingius, qui Comarinum in-
 ter ac Neosolium castra metabatur, die
 vige-

(*) Alii illum Kouperlougli seu aliis dictum
 Kiuperli nominatum fuisse referunt.

vigesima nona Maij Strigonium obsi- Sæc. XVII.
dere parat, verum a Cæsareo belli Se- A. C. 1683.
nata iussus, Neosolium cinxit: biduo
post nuntiatum, Turcas acceleratis
itineribus propinquare, & Jauri-
num aut Viennam dubio procul petere:
Ergo omni nervorum contentioue Jau-
rinum ac finitima præsidia muniuntur,
& legiones partim ad custodiendos adi-
tus, partim ad explorandos hostium
motus distribuuntur. Illuxerat dies
trigesima Junii, qua universus Turca-
rum exercitus ad Jaurini mænia in con-
spectu fuit, in duo partitus agmina, al-
terum a Benedictino Divi Martini Cæ-
nobio, alterum a Danubio leucis dua-
bus porrectum: Haud diu feriabantur
barbari, quorum alii trajecto Arabone
fluvio in equitatum, alii in calonum
turmas irruerant, potissimi adversus
castra & urbem suggestus aggeresque
erigebant, universi autem cuncta ter-
rore ac tumultu replebant. Crescebat
in horas periculum, nuntiatumque,
quod Hungari sese Turcis junxissent,
& Bathianus Comes intentata morte
a suis adactus, concreditas Muræ sta-
tiones deseruisset, necnon Tartari a
tergo instarent, Töckelio eis viam ster-
nente, urbesque quamplurimas tum vi-
tum metu cum suis rebellibus occu-
pante. In tantis angustiis Lotharingus

Jau-

Sæc. XVII. Jaurinum novo præsidio muniri, &
A. C. 1683. Leslæum Ducem in Insulam Schüttam
 cum peditatu & tormentis subsistere
 jubet: cognito autem, quod prima ho-
 stium acies, superata Rabniza haud du-
 bio iter Viennam faceret, omni celeri-
 tate peditatum & machinas eo præmi-
 tit; præverterat autem Cæsareorum
 iter agmen Tartarorum, quos tamen
 non sine clade Gondola Bellidux repu-
 lit, ipsa vero, qua hæc velitatio acci-
 dit, die septima Julii quidam milites,
 qui e primo pavore Viennam profuge-
 rant, urbem tanta trepidatione imple-
 bant, ut Cæsar fugienti similis, relictis
 Viennæ Domus Augustæ thesauris pri-
 mo Lincium contenderet, comitante
 eum Serinio decolati Petri Filio, qui
 tamen clam cum Töckelio conspirans
 subito disparuit, sed a rusticis captus,
 Lincii paulopost promeritas perfidiæ
 pœnas dedit: Cæsar vero se hosti pro-
 ditum veritus, Passavium perrexit:
 comperta autem Cæsaris fuga intra bi-
 duum plusquam sexaginta hominum
 millia præcipiti pedum studio Vienna
 cesserunt, aut verius triste in exilium
 confusa multitudo emigrarunt, unde
 non pauci aut turba compressi, aut e-
 quorum pedibus obtriti perierunt: illi
 vero, qui vel ad fugam tardiores, vel
 in Styriæ montes, aut Austriæ sylvas
 recesserunt.

recesserant, a Tartaris trucidati sunt: *Sæc. XVII. A. C. 1683.*
 finitimi etiam Hungariæ pagi hostilibus flammis ubique colluxere, jamque Turcæ Bertholdi - villam nobile oppidum deditione acceperunt, omnesque incolas, etsi vitam libertatemque pacta auri summa redemissent, ad Templum profugos, nulla ætatis, sexus, aut conditionis discrimine per otium misere jugularunt.

§. XXXVII.

Turcæ ad Viennam.

Morabatur Vezirius in castris suis ad Danubii ripam integris ferme undecim diebus, non sine maximo Christianæ rei commodo; quippe hoc intervallo Lotharingius Dux exercitum suum innoxie Viennam reducere, urbemque ad strenuam defensionem comparare poterat: ipse etiam Dux arrepto ligone primus terram molitus est, cujus exemplo animati juvenes, senes, Monachi, & Sacerdotes, ac ipsæ etiam Matronæ Nobiles in opus incumbere certabant: perfecto demum intra sex dies labore Ernestus Rogerius Comes Staremburgius defendendæ urbi præficitur, cujus fortitudini ac vigilantia potissimum Viennæ salus debetur. Quarta demum Julii die omnis Turcarum exercitus sese

*Calmet l. c.
Wagner
Hist. Leopold l. 8.*